

КАРО ГОСПОДИНЪ АВРАМЪ АССА,

АНЕСЪ ДЕ ТОДО ТЕ ВА ЕНТЕРЕСАРЪ КЕНЪ ЕСЪ ЕЛЪ АОТОРЪ ДЕЛА ЛЕТРА И ПОРЪ ЕСТО, ЕСТО СИГУРО НЕ СИНЪ ЕМПЕСАРЪ А МЕЛДАРЪ ЛА ЛЕТРА ВАСЪ А БУШКАРЪ А САВЕР КЕНЪ АФИРМО.

АГОРА НЕ Я САВЕСЪ КЕНЪ СЕ АКОДРО ДЕ ТИ, ТЕ ДИРЕ И ДЕ КОАЛО СЕ ТРАТА. АГУРО НЕ МИ ЛЕТРА ТЕ ТОПЕ ЕНЪ ПАРФЕКТА САЛУДЪ И КОНЪ НИЕРВОСЪ САНОСЪ, ДЕ ЛОС КОАЛОСЪ УНЪ ДЖИДИО ТИЕНЕ МЕНЕСТЕРЪ ЕНЪ СЕМЕЖАНТЕСЪ ДИАСЪ НЕ ЛА ПРОВИДЕНСЯ НОСЪ МАНДО.

МАСЪ ДЕ УНЪ АНИО АЙ ДЕ КОАНДО ЕСТО БУШКАНДО А ЕНФОРМАРМЕ СОВРЕ ТУ АДРЕСО И ДЕ ТАНТОСЪ КОНОСИДОСЪ НЕ ДЕШАТЕСЪ ЕНЪ СОФИЯ, НИ УНО МЕ ПУДО ДАРЪ ТУ АДРЕСО. ГРАСЯСЪ НЕ ЕНЪ ФИЛИБЕ УНЪ КОНОСИДО АПОЕДЕРЪ ДЕ ДЕМАНДАРЪ АДЕРЕЧА И А СИЕДРА, ЕСЪ НЕ МЕ ПУДО ЕНФОРМАРЪ.

АГОРА ПРОФИТО ДЕ ЛА ОКАЗИОНЪ ПОРЪ ДАРТЕ УНА АНГАРЯ , СИГУНЪ ДИЗЕНЪ АКИ.

ЛА ПЕНА ПАРА ТИ НО ВАСЕРЪ МУЙ ГРАНДЕ, МА СИ МЕ ПОЕДЕСЪ СЕРЪ ПРОВЕЧОЗО, ЕЛЪ ПЛАЗЕРЪ ВА ФЕРЪ МУЙ ГРАНДЕ.

МИ ИЖИКО АЙ ДЖУСТО СИНКО АНИОСЪ НЕ СЕ ТОПА ЕНЪ ПАЛЕСТИНА. ТУ Я ТУВИТЕСЪ ЛА ОКАЗИОНЪ ДЕ ЕНКОНТРАРЛО ЕНЪ ТЕЛЪ-АВИВЪ УНА ВЕСЪ И ЕЛЪ ЕНЪ ДЕ СУСЪ ЛЕТРАСЪ ЕСТОНСЕСЪ Я МЕ АВЛО ДЕ ТИ. ТЕ КЕРО ДИЗИРЪ НЕ Я ДЕВЕСЪ ДЕ КОНОСЕРЛО И А АНЕО ПОНО НЕ САВЕСЪ ДЕ ЕЛЪ, ТЕ АДЖУСТАРЕ ИИО ЕЛЪ КУСУРЪ ПАРА НЕ КОНОКАСЪ СУ ПАСАДИА И СУ БИОГРАФИЯ.

ЕЛЪ АЛКАНСО ЛА ПАЛАСТИНА ДУСПОЕСЪ ДЕ АВЕРЪ ЕЧО ЕЛЪ ВИЯЖЕ ДЕ БУРГАСЪ А ХАЕФА СОЛО ТРЕСЪ ВЕЗЕСЪ И АЛА КОАТРЕНА ВЕСЪ РЕУШО. ЛОКЕ КОСТО АЛЪ ПАДРЕ ДЕ ПАРАСЪ И СИКИНТИСЪ, И ДЕ НИЕРВОСЪ АЛЪ МАНСЕВЪ НО АЙ МЕНЕСТЕРЪ ДЕ ДИЗИРТЕ! АИНДА ЕНЪ АБАШАНДО ДЕЛЪ АВТОБУСЪ УНА ГРУПА ДЕ ЕСТАНБОЛИКОСЪ НЕ ФОЕРОНЪ ТОРНАДОСЪАТРАСЪ ЕНЪ УНО ДЕ СУСЪ ВИЯЖЕ ПАРА ЛА ПАЛЕСТИНА, ЛО АРЕКОЖИЕРОНЪ И СЕ ЛО ИЕВАРОНЪ А РААНАНА, ОНДЕ ЛАВОРО ТРЕСЪ АНИОСЪ: УНЪ ПОКО ЕНЪ ЕЛЪ КАМПО, ДУСПОЕСЪ ЕНЪ ЛА ЗИДАРИА ОНДЕ ЕМБЕЗЪ ЛАСЪ ФРАГОАСЪ ДЕЛЪ ИСКОПЪ , ПЛОЧАРСТВО, И ЗИДАРИА. МАСЪ ТАДРЕ ЛОСЪ ЕЧОСЪ АВИЕНДО АПОКАДОСЪ, АНЕСЪ ДЕ ВЕРСЕ ЕНТЕРАМЕНТЕ ЕНЪ ЛАСЪ КАИЕСЪ И НЕДАРЪ АЛЪ КАРГО ДЕ ЛАСЪ ОРГАНИЗАЦИОНЕСЪ, ПАРТИО ПОРЪ БУШКАРЪ ЛА МИХИА. ГРАСЯСЪ А СУ КАПАЧЕДАДЪ ДЕ ЕНТРАРЪ ПРЕСТО ЕНЪ КОНТАКТЪ, КОНЪ АЗЕРЪ КОНОСЕНСЯСЪ ДЕ УНЪ ЕТАПЪ АЛЪ ОТРО ЕНТРО ЕНЪ ЕЛЪ ПОТАШЪ КОМПАНИ ЕНЪ " ЯМЪ- АМЕЛАХЪ". АИ ИЕВО ЛАСЪ ПОМПАСЪ , ЛАВОРО ЕНЪ ЛОСЪ ДИНАМОСЪ И ДИЗЕЛ МОТОРИ МАСЪ ДУСПОЕСЪ ЛА МАРЪ АТИРАНДОЛО, СЕ ДИО АЛЪ МАТРОСЛУКЪ. ПАСО СУ СТАЖ КОМО НОРМЧИЯ, ОГНЯРЪ ЕНЪ ЕЛЪ ПАРАХОДЪ НЕ АЗЕ ЕЛЪ КРАЙБРЪЖИЕ, ЕНЪ УНЪ БИЕЯВО ДИЧО, ПАРА ТОДО ПРОВЕЧОЗО, И ГРАСЯСЪ А ЕСТАСЪ КОАЛИДАДЕСЪ ДЕ ПОЕДЕРЪ ПРЕСТО АФЕРАРЪ ТОДО ЛОКЕ СЕ ЛЕ ПРЕЗЕНТА КОМО ЛАВОРО МОЕВО, ГРАСЯСЪ АДИО, СИНЪ ЕЧО АСТА ОЙ НО НЕДО. ТОДО КАВЗО ЕНЪ ЕСТЕ МОМЕНТО УНА КОЗА ЛО ДЕЗРЕПОЗА СИЕМПРЕ: ЛА КЕСИОНЪ ДЕ СУ ЛЕГАЛИЗАЦИОНЪ. МАСЕВИКОСЪ КОМО ЕЛЪ ДЕ МУНЧО ТИЕМПО Я АЛКАСАРОНЪ УНЪ СЕРТИФИКАТЪ, ЕЛЪ ПОРЪ ЕСТО НЕ НО ЕСТУВО ЕНТРЕ ЛОСЪ ЕСПАНИОЛЕСЪДЕ НОЕСТРАСЪ ВАНДАСЪ, НО ТИЕНЕ ВРЪЗКАСЪ И КОАНДО СЕ ТРАТА ДЕ АЛКАНСАРЪ АЛГУНА ФАВОРЪ МЕЗО УНЪ КОНОСИДО , ЕЛЪ НО ПОЕДЕ ПОРЪ ЕСТО НЕ СЕМЕЖАНТЕСЪ СЕРКАНОСЪ НЕ ЕНТЕНДЕРИАНЪ СУСЪ МЕНЕСТЕРЕСЪ НО ТИЕНЕ, И КАДА ВЕСЪ НЕ СЕ ЛЕ ПРЕЗЕНТА ДЕ ЛА ОСКАЗИОНЪ ПОРЪ АДРЕСАРЪ УНА РОГАТИВА, НО ТИЕНЕ АКЕНЪ АДРЕСАРСЕ. ОЛТИМАМЕНТЕ МЕ ЕСКРИВЕ НЕ СИ РЕУШО А ЕНТРАРЪ ЕНЪ ЕЛЪ ПОТАШЪ ЕСЪ СОЛО А УНЪ АФИТО, ПОРКЕ КОАНДО ЕНТРО НО СЕ ЕСКРИВИО ЕНЪ ЕЛЪ ТЕФТЕРЪ ОНДЕ ОФИСЛАМЕНТЕ СЕ ЗАРЕГИСТРЕАНЪ ТОДОСЪ И ОНДЕ ДЕМАНДАПНЪ ДЕЛЪ ЛАВОЯДОРЪ МУНЧАСЪ ХОХЕНТАСЪ МА ПАСО ПОРЪ ЕЛЪ " ЧЕРЕНЪ ВХОДЪ" ПОРЪ ЕСТО ЕСЪ НЕ ЕСТА СИЕМПРЕ ЕНЪ АЛГУЖАСЪ, ЕСТЕ ПЕНСЕРИО НО ЛО ДЕША ЕНЪ РЕПОЗО, ЕНЪ ЛАВОРО ЛЕ ВА СЕРЪ НО ТАНТО ПЕЗГАДО, МЕ ЕСКРИВЕ ЕЛЪ, ЕЛЪ ДИА НЕ СЕ ВА ВЕРЪ КОНЪ УНЪ ПАПЕЛЪ ЕНЪ ЛА МАНО ДЕ СУДИТАНСА. НА ПОРЪ КОАЛО МЕ АДРЕСО АТИ ПОРЪ РОГАРТЕ СИ ПОЕДЕСЪ АЮДАЛЕ АКЕ ПОЕДА АЛКАНСАРЪ ЕСТЕ ДОКУМЕНТО. СИ ЕСТАСЪ ФОРМАЛИДАДЕСЪ ДЕВЕНЪ ДЕ КОСТАРЪ АЛГУНАС ПУДРАСЪ ЕЛЪ Я ВА МЕНЕСТЕРЪ ЛА СУМА МЕНЕСТЕРОЗА А ТУ ДИСПОЗИЦИОНЪ ОРЪ АЛА ДИСПОЗИЦИОНЪ ДЕ АКЕА ПЕРСОНА НЕ СЕ ВА КАРГАРЪ ДЕ ЕСТА МИСИЯ. ИО Я СЕ НЕ ТУ МЕ ПОЕДЕСЪ РЕСПОНДЕРЪ НЕ НО ЕСЪ ТАНТО ГРАНДЕ МАЛЪ ДЕ БИВИРЪ ЕНЪ ЛА ПАЛЕСТИНА СИНЪ ЛЕГАЛИЗАЦИОНЪ, И НЕ КОМО ЕЛЪ, АЙ МУНЧОСЪ ОТРОСЪ НЕ ЕСТАНЪ КОНТИНУАНДО А БИВИРЪ СИНЪ ПАПЕЛЪ ЕНЪ ЛА МАНО. СОЛО НЕ НО САВЕМОСЪ АСТА КОАНДО НОЕСТРО ПРОТЕКТАДОРЪ ВА КОНТИНУАРЪ А СУФРИРЪ "ЕНЪ СУ ТИЕРА" СЕМЕЖАНТЕСЪ ДЕЗРЕГЛАСЪ И СИ УНЪ ДИА НО ВАНЪ АСЕРЪ ОТРОСЪ ЛОСЪ НЕ ВАНЪ А ДИКТАРЪ. ПОРЪ ТОДА ЕВАНТУ-

АЛИДАДЪ ЕЛЪ КАЛЕ КОНЪ ТИЕМПО НЕ СЕ АРЕГЛЕ ЛОСЪ ЕЧОСЪ И НО ТЕНЕРЪ А СУФРИРЪ ДЕ СИЕРТАСЪ СУРПРИЗАСЪ. АКЕОСЪ НЕ УНЪ ДИА ПОЕДЕНЪ СЕРЪ АРОНДЖАДОСЪ ДЕ ЛА ПАЛЕСТИНА НО ЛЕСЪ НЕДА НЕ А ЕЧАРСЕНЪ АЛА МАРЪ! СИ МАЛГРАДО ТОДО ЛА ДЖЕНТЕ ЕСТАНЪ ПРЕФЕРАНДО АСОЛТАРЪ ЛОСЪ ЛУГОАРЕСЪ ОНДЕ НАСИЕРОНЪ ПАРА БУШКАРЪ АБРИГО ЕНЪ УНА ПАЛЕСТИНА ТЕРОРИЗАДА, Я ТЕ АЗЕСЪ УНА ИДЕА ДЕ ЛОКЕ ЕСТАНЪ СУРФРИЕНДО ~~САМО~~! ТОДО ЛОКЕ ПОЕДЕСЪ АЗЕРЪ ПОРЪ ЕЛЪ МАНСЕВО ВА СЕРЪ ЕЧО НО СОЛО ПАРА ЕЛЪ МА И ПАРА СУСЪ ПАРСИЕНТЕСЪ. МЕ ЕСТО УЛВЕДАНДО ДЕ ДИЗИРТЕ НЕ ЕСЪ А УНЪ БОЕНЪ ЛЕГИОНЕРЪ, БИЕНЪ КОНОСИДО ЕНЪ ЛАСЪ ОРГАНИЗАЦИОНЕСЪ, УНЪ МАНСЕВО ДЕВУАДО АЛЪ ОВРА И АЛА КАОЗА ДЖУДИА НЕ ВАСЪ АТЕНЕРЪ ДЕ АЗЕРЪ УНЪ ПЛАЗЕРЪ. ВОЗОТРОСЪ - ЛОСЪ ВОДАЧЕСЪ, ОБЩЕСТВЕНИКЕСЪ АНДЖАНЪ ДЕ СЕМЕЖАНТЕСЪ МАНСЕВОСЪ ТЕНЕШЪ МЕНЕСТЕРЪ, И ЕЛЪ СЕ ДЕТИЕНЕ А ВОЕСТРА ДИСПОЗИЦИОНЪ ПОРЪ ПОЕДЕРЪ СЕРЪ УНЪ ДИА УНО ДЕ ЛОСЪ ОБЪЛЧЕНЦИСЪ ЕНЪ ЛА ПАЛЕСТИНА ДЕКРАДО КОНЪ СУСЪ МЕДАЛЕСЪ И ДЕФИЛАНДО СИ ДИО КЕРЕРА ЕНЪ ЛОСЪ ПАРАДЕСЪ КОНЪ ЛА АРМАДА ДЖУДИА КОНЪ ЛА КАВЕСА КУВИЕРТА ДЕ КАВЕОСЪ БЛАНКОСЪ, СИГУНЪ ЛОСЪ ОПЪЛЧЕНЦЕСЪ БУЛГАРОСЪ. ВА ВИНИРЪ СЕМЕЖАНТЕ ДИА? КЕНЪ САВЕ? ЕНКОНТРИ ЕНЪ ЕЛЪ АШОФАРЪ И КОНСЕРНАНДО ЛОСЪ СЕРТИФИКАТОСЪ КОМО ВАНЪ АСЕРЪ ЕСПАРТИДОСЪ. НО ПАСАНЪ ПОРЪ ВОЕСТРАСЪ МАНОСЪ? АЯ СЕ ДИЗЕ НЕ УНА ПАРТИДА ВАНЪ АСЕРЪ ДАДОСЪ ПАРА АКЕОСЪ НЕ ТИЕНЕНЪ ЕЧО СТАБИЛЬ ДЕ 4 ЛИРАСЪ АЛЪ МЕЗЪ, ЛАСЪ КОАЛАСЪ ЕЛЪ Я ЛАСЪ ТИЕНЕ. ОТРА ГРУПА ДЕ 100 СЕРТИФИКАТОСЪ ПАРА ЛАВОРАДОРЕСЪ АЛА ДИСПОЗИЦИОНЪ ДЕ ЛА ЕВР. АГЕНЦИЯ. ЕЛЪ МАНСЕВО И ЕЛЪ ЕСЪ ЛАВОРАДОРЪ, И ЕЛЪ ТИЕНЕ АРИВА ДЕ 4 ЛИРАСЪ ФИКСАСЪ АЛЪ МЕЗЪ, ДУНКЕ Я ПОЕДЕ И КОМО ЛАВОРАДОРЪ И КОМО МЕСЕЧАРЪ ДЕ 4 ЛИРАСЪ, ГОЗАРЪ ДЕ УНЪ СЕРТИФИКАТЪ. ЛО МАСЪ ЕМПОРАНТЕ ЕСЪ НЕ СЕПАСЪ НЕ ЕСЪ УНЪ ЛЕГИОНЕРЪ КОНЪ БРАСОСЪ ФОЕРТЕСЪ А ЕДАДЪ ДЕ 24 АНИОСЪ ЖИЗНЕРАДОСТЕНЪ МУСКУЛЕСЪ И ТОДО ЛОКЕ ПРИМЕ А СОЛДАДО ДЖУДИО. ВИСТИЛО ДЕ УНИФОРМА ДЕ СОЛДАДО ДЖУДИО, ДАЛЕ УНЪ ПЛОМО, И ЕЛЪ И НОЗОТРОСЪ АКИ ВАМОСЪ ЕСТАРЪ МАСЪ РЕПОЗАДОСЪ И МАСЪ КОНТЕНТЕСЪ. СЕМЕЖАНТЕ УНЪ ДИА КОАНДО НОЕСТРАСЪ КРИАТУРАСЪ ВАНЪ А ИЕВАРЪ ЛАСЪ ЕПОЛЕТАСЪ ДЕ Р ЛА УНИФОРМА, НОСЪ ВА ПЕРМЕТЕРЪ ДЕ БИВИРЪ КОМЪ МАСЪ МУНЧА ЕФПЕРАНСА ЕНЪ ЕЛЪ АВИНИРЪ.

Я ТЕ АНГАЖИИ МУНЧО КОНЪ МИ ЛАРГА ЛЕТРА. ЕКСКУЗА ПОРЪ ЕСТЕ ГЛАВОВОЛИЕ. ЕНЪ ПАГА ДР ЕСТЕ ПЛАЗЕРЪ НЕ ЕСПЕРО ДЕ ТИ ИО ТЕ ВО МАНДАРЪ ОТРО УНО ЛАВОРАДОРЪ КОНЪ БРАСОСЪ ФОЕРТЕСЪ.

КАРО АССА! ПЕРМЕТЕМЕ ДЕ ДЕМАНДАРТЕ ТУ ДЕ КОАЛО ЕСТАСЪ БИВИЕНДО? ЕЛЪ КЛИМАТЪ ТЕ ТРУШО САНЕДАДЪ ОРЪ КОНТИНУАСЪ А СУФРИРЪ? ИО САЛИЕВДО ДЕ СОКОМБЕЛЪ НЕ ЛИКВИДЕО ЕСТУВЕ СОЛО 5 АНИОСЪ СИНЪ ЕЧО МЕ КОМИ ЛАСЪ ИКОНОМШАСЪ ВИНО И ЛА ПАРТЕНСЯ ДЕЛЪ ИЖО ПАРА ЛА ПАЛЕСТИНА, И АНСИНА СУФРИМОСЪ ТАНТО НЕ ПАГИМОСЪ ТОДОСЪ ЛОСЪ ПЕКАДОСЪ АГОРА ЕСТО ЕМПИЕГАДО ЕНЪ ЛА ФАБРИКА ДЕ Д/РЪ ГЕНЕВЪ ЕЛЪ СУВРИНО ДЕЛЪ АПТЕКАРЪ ГЕНЕВЪ, НЕ МЕ ПАГА ПОРЪ СЧЕТОВОДСТВО, ВИАЖЕСЪ, КЛИЕНТЕСЪ ТОДО ПОРЪ ТОДО 2000Л. ЕНФРЕНТЕ ДЕ 9000 Л. НЕ МЕ ГАНАВА АНТЕСЪ!

АКИ АСТА ЕНЪ ЛАСЪ ПРИВАДАСЪ АФОЕРА ЛАСЪ КАРАСЪ ЕСКРИВИЕРОНЪ ЕНЪ ЛАСЪ ПАРЕДЕСЪ БЪЛГАРИ! ВЪНЪ ЕВРЕИТЪ. БЪЛГАРИЯ БЕЗЪ ЕВРЕИ. СИ ВАСЪ АЛА БАНКА, АЛЪ УЧРЪЖДЕНИЕ ПОРЪ ПАГАРЪ НО ПОРЪ ДЕМАНДАРЛЕСЪ ПАРАСЪ ОРЪ АЛГУНА УСЛУГА И АИ СЕ ТОПАНЪ ЕНЪ ЛОСЪ ГИШЕСЪ ПЕРОСЪ НЕ АВРЕНЪ ЛА КЕСИОНЪ ДЖУДИА И ТЕ ДИЗВЪНЪ СИНЪ ТРАВАРСЕНЪ.  
" НИЕ ЩЕ ВИ ДАДЕМЪ ДА РАЗБЕРЕТЕ, ЧАКАЙТЕ ОЩЕ МАЛКО, ЩЕ ВИДИТЕ ВИЕ, ОЧИТЬ ЩЕ ВИ ИСКАРАМЕ."

СИНЪ ОТРА, ТОДО ЕНЪ ЕВСКУЗАНДОМЕ ПОРЪ ЕЛЪ АТАГАНТО, ТЕ САЛУДО ДЕ ТОДА ЕСТИМА, ЕНЪ АГУРАНДОТЕ САЛУДЪ КОМПЛИДА И ЕЧОСЪ БОЕНОСЪ, РЕПОЗО АЦЛАХА И БЕРАХА

*Моминд Деминг*

СОФИЯ 23 АПРИЛЪ 1939

ИОМТОВЪ СЕМАХЪ  
УЛ. " ЧЕРВЕНА СТЪНА " № 14  
СОФИЯ - VII